

## يعقوبی نامه

۱

آز یعقوب، خدا و عیسی مسیح خداوندی نوکر،  
دوازده تا قبیله ای سه گه جاهای دییر پخش و پلانه.  
سلام!

### شیمه ایموی آزمود

۲می برارن، هر وخت جورواجور آزمودهایی دله دکتی، اونانه گلا خشالی  
دینن! ۳چون دینی گه وختی شیمه ایمون آزمود بون، استقامت به بار آرنه.  
۴ولی بلین استقامت شی کار توم هاکنه تا بی عیب و کامل بووین و هیچی گم  
نارین. ۵اگه گسی شیمه مین حکمت نارنه، اوننه خدایی جا بخاد، همون خدایی  
گه بدون سرزنش و دس و دلبازی ای همرا همیره بخشنه، و ویره دینه. ۶ولی  
ایمونی همرا درخاس هاکنه و بدون هینگه شک هاکنه، چون کسی گه شک  
کینه، هتی دریایی موجی ترائه گه وا ویره ورنه و هر سمتی سه گشانه. ۷هینجور  
آدم نینه خیال هاکنه گه خداوندی جا یچی گیرنه، ۸چون وی آدم د دلیه و شی  
دشته راهایی دله ثابت نیه.

۹فقیر برار شی سربلندی ای گه دارنه ره افتخار هاکنه، ۱۰و پولدار شی فروتنی  
ره افتخار هاکنه، چون هتی واشی گلی ترا از بین شونه. ۱۱همونجور گه خرشید  
شی گرمایی همرا درانه و واش خشک کینه و وی گل کینه و وی قشکی از بین  
شونه، پولدار آدم هم شی کسب و کاری دله از بین شونه.

۱۲خس بحال اونیکه آزمودی باری بن استقامتی همرا اسنه، چون وختی  
آزمودی دله استقامتی همرا هرسه، وی زندگی ای تاج گیرنه، اون تاجی گه خدا  
شی دوس دارنه وعده هادا.

۱۳هیچکس وختی وسوسه وونه، نُنه: «خدائه گه مینه وسوسه کُنه»، چون

خدا هیچ بَدی ای هَمرا وِسْوَسِه نَوونه و هیچکی ره هَم وِسْوَسِه نَكْنَه. <sup>۱۴</sup> ولی وَختی یَنفر وِسْوَسِه وونه، شِ وی هَوا و هَوسِ گه وِره گول زَنَه و تِلَه دیم دِنَه. <sup>۱۵</sup> آزما وَختی هَوا و هَوسِ حامِلِه بَوون، گِناه ره زینِه، و گِناه وَختی کَامِلًا بالغ بَوَه، مرگ به بار آرنه.

<sup>۱۶</sup> می عزیزِ پَرارِن، گول نَخارین! <sup>۱۷</sup> هر خِبِ هَدیه و هر کَامِلِ هَدیه آسِمونی جائِه، نوریشونی پیری طرفی جا اِنه گه وی دِلَه هیچ تغییری دِنیه، و نا هیچ سایه ای گه تغییری جا به وجود بيمو وون. <sup>۱۸</sup> وی شِی اِرادَه ای هَمرا اَماره حَقِیقَتِ کلامی هَمرا به وجود بیارده، تا اَما هِتی وی مَخْلوقاتِ نوبَرِ ووئیم.

### کلامی بِشْنَسَن و بجا بیاردَن

<sup>۱۹</sup> می عَزیزِ پَرارِن، هَینه دِئین: هر کی وَنَه بِشْنُسَنی دِلَه تِن، بُتَنی دِلَه یَواش و عَصَبانی بَووئنی دِلَه یَواش ووئه! <sup>۲۰</sup> چون آدمی ای خَشَم خِدایی عَدالَتِ به بار نیارنه. <sup>۲۱</sup> پَس هر جور فاسدی و هر شَرارَتِ شِیجا دور هاکنین، و فروتنی ای هَمرا، کلامی ره گه خِدا شِمِه دِلی دِلَه دَکاشَتِه و بُتَنِه شِمِه جانِ نِجاتِ هادِه ره، قبول هاکنین.

<sup>۲۲</sup> ولی خِدایی کَلامِ بجا بیارین، نا فقط اَوَنه بِشْنُئین؛ شِره گول نَزنین! <sup>۲۳</sup> چون اَگه کسی خِدایی کَلامِ بِشْنُئِه ولی اَوَنه بجا نیاره، هِتی یَنفَرِ موئِه گه شِی دیمِه آینه ای دِلَه اِشْنِه. <sup>۲۴</sup> چون شِره اونی دِلَه وِئِه، تا اونی جا دور وونه، دَرجا شِی یادی جا وَرنِه گه وی دیم چتی وه. <sup>۲۵</sup> ولی اونیگه کَامِلِ شریعت، گه آزادی ای شریعت هَسَه ره اِشْنِه و اونی دِلَه استقامت کِئِه، و اِشْنِه و یاد نَكْنَه، بَلگی اَوَنه بجا آرنه، وی شِی کاری دِلَه بَرکت گیرنه.

<sup>۲۶</sup> اَگه کسی گِمون هاکنه گه دیندار، و شِی زوونی دِم نیره، ولی شِی دِلِ گول بَزَنه، وی دین اِرزِشی نارنه. <sup>۲۷</sup> پاک و بِلَگه دینداری اَمِه پیر خِدایی نَظَرِ هَینه گه یَتیم و بیوه زناکِنی دَسِ مِصِیبتی موقِه ییریم، و شِره هَین فاسِدِ دِنیایی جا دور داریم.

### فَرَقِ نِلین

<sup>۱</sup> می پَرارِن، شِماها گه اَمِه خِداوند عیسی مسیح، اون خِداوندِ جَلالِ ایمون دارِنی، اَدَمی مِین فَرَقِ نِلین. <sup>۲</sup> چون اَگه کسی یِتِه اَنگُشَتَرِ طِلا و خِبِ لیواسی

هَمرا شِمِه مِجَلِسی دِلِه بیه، وَ یِتِه فَقیرِم پیتِه لیواسی هَمرا دِلِه بیه،<sup>۳</sup> وَ اگِه شِما اونیکِه خِب لیواس شی تَن دارنِه رِه ویشتر سَرچش بَیرین و ورِه بُئین: «هین خِب جا هِنیش» وَ لی اونیکِه فَقیر رِه بُئین: «هَموچِه هِرِس!» وَ یا: «هَیچِه می لینگی پش پنه ای سَر هِنیش»،<sup>۴</sup> مَگِه شِما شِ شی مین فَرَق نَدانی وَ پَلید فِکری هَمرا قِضاوَت نِکِرَدنی؟

° عزیز بَرارن، گوش هادین! مَگِه خِدا هَین دِنیایی فَقیرنِه انتخاب نِکِرَدِه تا ایمونی دِلِه دولتمند ووئن و پادشاهی ای رِه ارث بَوَرِن گِه وی شی دوس دارانِ وَ عِدِه هادا؟<sup>۱</sup> وَ لی شِما فَقیرِ آدَمی رِه بی جِرمَتی ها کِرَدنی. مَگِه پولدارن نینه گِه شِمار ظلم کِنینه و شِمارِ مَحکِمِه گِشانِه؟<sup>۷</sup> مَگِه وِشون اونانی نینه گِه اون خِب اِسْم گِه شِمِه سَر دَرِه رِه، کِفر گِنینه؟

اگِه راس راسی شاهانه شریعتِ طَبقِ اون مَقَدَّسِ نِوِشْتِه بجا بیارین گِه گِنِه: «شی هَمساده رِه هَتی شی تَرّا دوس دار،» خِب کار کِنی.<sup>۹</sup> وَ لی اگِه فَرَق پِلین، گِنِه ها کِرَدنی و شریعتِ شِمارِ تقصیرکار وِیْتِه و شِمارِ مَحکوم کِئِه.<sup>۱۰</sup> چون اگِه یَتَفَر دِشْتِه شریعتِ بجا بیارِه وَ لی یِتِه ای دِلِه کِتاھی ها کِنِه، دِشْتِه اون شریعتی دِلِه گِنا هِکارِه.<sup>۱۱</sup> چون اونگِه بُئِه: «زنا نَکِن»، هینجور هَم بُئِه: «قتل نَکِن». اگِه حَتّی زنا نَکِتی، وَ لی قتل ها کِنی، شریعتِ بَشکانی ای.

۱۲ پَس هَتی اون آدَمی تَرّا گِب بَزنین و عَمَل ها کِنین گِه دِنِنِه طَبقِ شریعتِ آزادی، وِشونِه داوَری ووِنِه،<sup>۱۳</sup> چون داوَری نِسبت به اونیکِه رَحِم نِکِرَد وون، بی رَحِم ووِنِه. رَحِم داوَری رِه پیروز ووِنِه!

### ایمون بی عمل بَمِرَدِه

۱۴ می بَرارن، چی فایده ای دارنِه اگِه یَتَفَر اَدعا ها کِنِه ایمون دارنِه، وَ لی اعمال ناره؟ هینجور ایمونی بَنّیْنِه ورِه نِجات هادِه؟<sup>۱۵</sup> اگِه یِتِه بَرار یا خاخر، لیواس و روزمَرِه خِراکی مِحتاج ووِئِه<sup>۱۶</sup> و یَتَفَر آز شِما وِشونِه بُئِه: «بِسلامت بورین، وَ گرم و سیر بَووئین»، وَ لی وِشونی نیازهای جِسمی ای رَفَع ها کِرَدنی سِه هِیچ کاری نَکِنِه، چِه فایده ای دارنِه؟<sup>۱۷</sup> پَس ایمون هَم به تنهایی، اگِه اعمالی هَمرا نَووِئِه، بَمِرَدِه.

۱۸ وَ لی یَتَفَر مِمکِنِه بُئِه: «توو ایمون دارنی و مِئَم اعمال دارمِه!» توو شی ایمونِ اعمالی جا سیوا مِئِه هَم هادِه و مِئَم شی ایمونِ شی اعمالی هَمرا تَرِه هَم دِمِه.<sup>۱۹</sup> توو باوَر دارنی گِه خِدا یِتائِه. خِب کِئِی! حَتّی دِوِشون هَم هینجور باور

دارنه و ترسی جا لرزینه!

۲۰ ای نادون، خاینی دئی چه ایمون بی اعمال بی ثمر؟ ۲۱ مَگه اِمه جَد ابراهیم شی اَعمالی هَمرا صالح بِشمارِس نَوه، اون موقه ای گه شی ریکا إِسحاقِ قِروونگهی سَر پیشکش هاكِردِه؟ ۲۲ ویئی گه وی ایمون و اَعمال با هم عَمَل کِردِنه، و وی ایمون وی اَعمالی هَمرا کامل بَوه. ۲۳ و اون تورات حقیقت بَرِسِیه گه گِنه: «ابراهیم خِداره ایمون بیارِدِه، وَ هَین ویسه صالحی بِشمارِس بَوه،» وَ وی خِدایی رَفیق بَخونس بَوه. ۲۴ ویئنی اَعمالی هَمرائه گه آدَمی صالح بِشمارِس وونه، نا فقط ایمونی هَمرا.

۲۵ هَمینجور مَگه فاحِشه راحاب اَعمالی هَمرا صالح بِشمارِس نَوه، اون موقه ای گه قاصِدِن پناه هادا و وشونه یَت دِیَر راهی جا راهی هاكِردِه؟ ۲۶ هَمونجور گه تن روحی جا سیوا بَمِرِدِه، ایمون هم اَعمالی جا سیوا بَمِرِدِه.

۳

## زِوونی بَلا

۱ امی برارن، نَکِنه خِیلی آز شِما خِدایی کلامی مَلَم بَووئنی دِمال دَوون، چون دِنئی آما مَلَمینی سِه، داوَری سخت تر وونه. ۲ چون آما خِیلی راهایی دِلِه خطا کِمی. آگه کسی شی گَب بَزوئنی دِلِه حَطا نَکِنه، کَامِل آدَمه و بَنَنه دِشْتِه شی تَنی دَم بیره.

۳ آگه آما آسبی دِهینی سَر اُوسار دَوَنیم، اونه شی مَطیع کِمی و بَتَمی حیوونی دِشْتِه تَن هر سَمتی خایمی بَوَریم. ۴ گشتی ایشونه هَم هارشین، هر چَن اونان گَتِنه، وَ گَتِه وائیشونی طریقی جا بَکشی ووننه، وَلی یَتِه کِچیک سَکانی هَمرا هر جا گه ناخِدا بَخاد شوننه. ۵ پس هَمینجور زِوون هَم یَتِه کِچیک عَضو، با هَین حال گَت گَتِه اِدعا دارنه. یَتِه کِچیک جَرَفِه بَنَنه یَتِه گَتِه جَنگِل تَش بَکِشه. ۶ زِوون هَم تَش؛ یِه دِنیا نادرستی گه اِمه تَن و پی ای دِلِه دَرِه و آدَمی ای دِشْت تَن کثیف کِنه و دِشْتِ وی زندگی ره تَش گِشِنه، تَشی گه جَهَنم وِره روِشِن هاكِردِه!

۷ آدَم هَمه جور حیوون و پَرنده و خَزنده و دَریایی دِلِه ای جاندارِ رام کِنه و هاكِردِه، ۸ وَلی هِیچ آدَمی نَننه زِوونِ رام هاکِنه. زِوون شَرورِ یاغیه و کِشَنده زَهْری جا پَرِه!

۹ شی زِوونی هَمرا خِداوند و پیرِ مَوارک خُومی و هَمون زِوونی هَمرا آدَمایی گه

خدايي تَرَا خَلَق بَوْنَه رِه، لَعْنَت كِمَي. <sup>۱۰</sup> يِتَه دِهني جا، هَم بَرَكْت دِيرگا اِنَه، هَم لَعْنَت! مِي بَرارِن، خُب نِيَه هِينجور وَوْنَه. <sup>۱۱</sup> مَكِه وَوْنَه يِتَه چَشْمَه اِي جا هَم شِيرِن اَو دَر بِيَه، هَم شُور اَو؟ <sup>۱۲</sup> مِي بَرارِن، مَكِه وَوْنَه اَنجِيل دار، زیتون بيارِه؟ يا اَنگور دار، اَنجِيل هَادِه؟ هَمِينجورَم شُور چَشْمَه نَنَه شِيرِن اَو هَادِه.

## آسَمُونِي حِكْمَت

<sup>۱۳</sup> شِمَه مِيَن كِي حَكِيم و عَقْلدار؟ بَلِين اَوْنَه شِي دِرِس زَنْدِگِي هَاكِردَنِي هَمرا هَم هَادِه، اَوْن اَعْمَالِي گَه فَرَوْتَنِي اِي هَمرايَه و حِكْمَتِي جا سَرچَشْمَه گِيرَنَه. <sup>۱۴</sup> وَلِي اَكِه شِي دِلِي دِلَه تَلِي حَسُودِي و خِدخواهي دارِنِي، شِرَه نَثِيرِن و خَلَاْف حَقِيقَتِ گَب نَزْنِن. <sup>۱۵</sup> هِينجور حِكْمَتِي آسَمُونِي جا نِينَه، بَلْگِي زَمِينِي و نَفْسَانِي و شَيْطَانِيَه. <sup>۱۶</sup> چُون هَر جا حَسُودِي و خِدخواهي دَوُون، اَوچَه بِي نَظْمِي و هَمه جُور زِشْتِ كِرْدَار هَم دَرَه.

<sup>۱۷</sup> وَلِي اَوْن حِكْمَتِي گَه آسَمُونِي جايَه، اَوَّل پاكِ، اَزْمَا صِلَح آمِيَز و اَرُوم و نَصِيحَتِ اِشْنَه، وَ خُب ثَمَرَاتِ و رَحْمَتِي جا پَرَه، وَ فَرَق بَشْتَن و رِيَايِي جا دُور! <sup>۱۸</sup> صَالِحِي، مَحْصُولِيَه گَه صِلَح و صَفَايِي دِلَه، وَ اَوْنانِيگَه صِلَحِي دِمَال دَرَنَه اِي دَسِي هَمرا دَكاشْتِ وَوْنَه.

۴

## دُنْيا پَرَسْتِي اِي هِشْدَار

<sup>۱</sup> چِي باعْثِ وَوْنَه شِمَه مِيَن دَعُوا دَكِفَه و چِي باعْثِ وَوْنَه شِمَه مِيَن جَنْگِ و جِدَالِ دَكِفَه؟ مَكِه شِمَه هَوَا و هَوَسِي سَه نِيَه گَه شِمَه وُجُودِي دِلَه دِ جَنْگِينَه؟ <sup>۲</sup> يِچِي اِي اَرَزو رِه كِينِي، وَ وختِي اَوْنَه بَدَس نِيَارِنِي آدَم كِشِنِي. طَمَعِ كِينِي، وَ وختِي نَثِينِي اَوْنَه بَدَس بِيَارِن جَنْگِ و دَوَا رَاه اِنْگِينِي، شِمَا نارِنِي، هِينَسَه گَه دَرخاسِ نَكِينِي! <sup>۳</sup> اَوْن مَوْقَه اِي هَم گَه دَرخاسِ كِينِي، نَثِيرِنِي، چُون بَد نِيتِي هَمرا دَرخاسِ كِينِي تَا شِي هَوَسايِي سَه صَرَف هَاكِنِن.

<sup>۴</sup> اِي زَناکارِن، مَكِه نَثُونِي دُنْيايِي هَمرا دُوسِي هَاكِردَنِ خِدايِي هَمرا دِشْمَنِي هَاكِردَنَه؟ پَس هَر كِي هِينِي دِمَالِ دَرَه گَه دُنْيايِي هَمرا دُوسِي هَاكِنَه، شِرَه خِدايِي دِشْمَنِ كَنَه. <sup>۵</sup> يا هِينِگَه گِمُونِ كِينِي مَقْدَسِي نِوَشْتَه بِيخْدِي بَنِوَشْتَه گَه: «خِدا نِسَبْتِ بَه رُوحِي گَه اِمَه دِلَه بَشْتَه، خِيلِي غَيْرَتِ دارَنَه؟ <sup>۶</sup> وَلِي خِدا وِيشْتَرِ فَيْضِ بَخِشِنَه، هِينَسَه گِنَه:

«خدا مغرورنی پش اِسَنه،

ولی فروتن فیض بخشینه.»

۷ پس شیره خدای تسلیم هاکنین. ابلسی پش هرسین و وی شمه جا درشونه.  
۸ خداره نژیک بووئن و وی هم شمار نژیک وونه. ای شما گناهکارن، شی دسی  
پاک هاکنین، و ای دِ دلشون، شی دل پاک هاکنین. ۹ حال زار دکفین و برمه  
زاری هاکنین. شمه خنه ماتم بوون و شمه خشالی غصه. ۱۰ شیره خدای پش  
فروتن هاکنین، که وی شمار سر بلن کنه.

۱۱ ای برارن، همدیری بد نئین. اونیکه یته براری علیه بد بُنه، و یا شی برار  
داوری هاکنه، شریعتی علیه بد گینه و شریعت داوری کنه. ولی اگه توو شریعت  
داوری کتی، توو شریعتی داور بوئی نا اونیکه وره بجا آرنه! ۱۲ فقط ینفر دره که  
شریعت هادا و داور، که وی هم همونیکه بننه نجات هاده و هلاک هاکنه. پس  
توو کی هسی که دِ شی همساده ره داوری کتی!

### فخر به فردا

۱۳ آسا شما که گینی: «آمزی یا فردا هین شهر یا اون شهری سه شومی و یه  
سال اوچه موئی و تجارت کتی و سود کتی»، ۱۴ با هین وجود شما حتی نئوننی  
فردا چی وونه. شمه زندگی چیه؟ هتی بخاری ترانی که یه لحظه ظاهر وونه و  
ازما نیست وونه. ۱۵ پس ونه هینجور بُنین: «اگه خداوند بخاد، زینه موئی و  
هینجور و هونجور کتی.» ۱۶ هینجور که معلومه شما شی غروری دله دِ فخر  
کینی. هینجور فخر هاگردن بد. ۱۷ پس هر کی دِنه چی کاری درس و ونه نَکینه،  
اون ویسه گناه محسوب وونه.

۵

### پولداری هشدار

۱ شما ای پولداری، زاری و شیون هاکنین، چون مصیبت شمه انتظاره گشینه.  
۲ شمه مال و منال نابود بوه و شمه لیواسیشونه لِمک بزو! ۳ شمه طلا و نقره  
رَنگ بزو و اوننی رَنگ بزوئن علیه شما گواهی دینه، و هتی تَنی ترا شمه تنی  
گوشت خارنه. شما آخر روزایی دله، هینجور مال و منال جم هاگردنی! ۴ آسا  
اون کارگرینی دسمزد که شمه زعی سر درو هاگردنه و شما حيله ای همرا وشونی  
دسمزد ندانی، علیه شما داد رَنه. آره، دروگرینی داد خداوند لَشگرهایی گوش

بَرسِيه. <sup>۵</sup> شِما زَمِينِي سَر ناز و نِعْمَت و عيش و نوشي دِلِه زندگي هاكِردني و شي دِلِ كِشتاري روزي سِه پَروار هاكِردني <sup>۶</sup> شِما اون صالِحِ مُحْكوم هاكِردني و بَكوشَتِي، وي شِمِه پشِ مِقاوَمَت نَكْتِه.

### مِصِيبَتِي دِلِه اِي صَبِر

<sup>۷</sup> پَس اِي پَران، تا خِداوندِي بِيموئن صَبِر هاكِنين. هارِشين چَتِي كِشاوَرز اِنْتَظارِ كِشِنِه تا زَمِين شي با اِرْزِشِ مَحْصولِ بِه بارِ بِيارِه؛ چَتِي صَبِر كِنْتِه تا بَايِز و بَهاري وارِشِ زَمِينِي سَر بَبارِه. <sup>۸</sup> پَس شِما هَم صَبور ووئين و شِمِه دِلِ قِرْصِ ووئِه، چون اِمِه خِداوندِي بِيموئن نَزِيكِه! <sup>۹</sup> پَران، عَلِيه هَمْدِيرِ غِرْغِرِ نَكِين، تا شِمِينِه هَم داوَرِي نَوون، هارِشين 'داوَر' دَرِي پشِ اِسّا.

<sup>۱۰</sup> پَران، پِيغْمَبَرِنِي جَا گِه خِداوندِي اِسْمِي هَمرا گَب زوونِه، مِصِيبَتِ و صَبَرِي دَرِسي يادِ بِيرِين. <sup>۱۱</sup> اَمّا اَدَمِنِي گِه اسْتِقامَتِ كِنِنِه رِه گِمِي خِشِ بِحَالِ وِشون. شِما اِيوَبِي اسْتِقامَتِي بارِه بَشْتُسِنِي، وَ دِنْتِي خِداوَنَد سَرَاخَرِ وي هَمرا چِي هاكِردِه، چون خِداوَنَد بِي نَهايتِ مَهْرَبون و بَخِشَنْدِيَه.

<sup>۱۲</sup> مِي پَران، وَلِي اَزِ هَمِه مَهْمَتَر، قَسَمِ نَخارِين؛ نَا آسْمون و نَا زَمِين و نَا هِيچِي دِيرِه، وَلِي بَلِين شِمِه 'اَرِه' هَمون اَرِه ووئِه و شِمِه 'نَا' هَمون نَا، نَكِينِه مُحْكوم بَووئين.

### دِعا اِيْمونِي هَمرا

<sup>۱۳</sup> شِمِه مِين كِسي عَذابِ كِشِنِه؟ بِلِ دِعا هاكِنِه. شِمِه مِين كِسي خِشَالِه؟ بِلِ حَمْدِ و ثَنائيِ سِرودِ بَخوئِه. <sup>۱۴</sup> شِمِه مِين كِسي مَرِيضِ؟ بِلِ كِلِيسايِ گَتِ گَتِه رِه گَفَا بَخوئِه و وِشون وِيسِه دِعا هاكِئن و خِداوندِي اِسْمِي هَمرا وِرِه روغْنِي هَمرا مَسَحِ هاكِئن. <sup>۱۵</sup> اِيْمونِي هَمرا دِعا هاكِردَن، مَرِيضِ نِجَاتِ دِنِه و خِداوَنَد وِرِه اِرْسانِه، وَ اَكِه گِناهيِ هاكِردِ وون، بَخْشِيدِه ووئِه. <sup>۱۶</sup> هِينِسِه، هَمْدِيرِي وَرِ شي گِناهِنِ اعْتِرافِ هاكِنين و هَمْدِيرِي سِه دِعا هاكِنين تا شُفا بِيرِين. صالِحِ اَدَمِي اِي دِعا، خِيلِي قَوْتِي هَمرا عَمَلِ كِنْتِه.

<sup>۱۷</sup> اِيلِيايِ پِيغْمَبَرِ يَتِه اَدَمِ اِمِه تَرَا وِه، وَلِي وَخْتِي دِشْتِه شي وَجودِي هَمرا دِعا هاكِردِه گِه وارِشِ نِيه، سِه سالِ و نِيْمِ زَمِينِي سَر وارِشِ نِيْمو؛ <sup>۱۸</sup> وَ اِي هَم دِعا هاكِردِه و آسْمونِي جَا وارِشِ بِيْمو و زَمِين شي مَحْصولِ بِه بارِ بِيارِدِه.

<sup>۱۹</sup> مِي پَران، اَكِه شِمِه مِين كِسي حَقِيقَتِي جَا مَنحَرَفِ بَوون، وَ يَنْفِرِ دِيرِ وِرِه دَگِرْدانِه، <sup>۲۰</sup> دِنِه گِه هَر كِي يَتِه گِناهِكارِ گِمراهِي اِي جَا دَگِرْدانِه، وي جَانِ مَرگِي جَا

نجات دینه و خیلی گناہین پوشانہ.

